

ODLUKA

**O IZVRŠAVANJU REBALANSA FINANSIJSKOG PLANA ZA 2015. GODINU
FEDERALNOG ZAVODA ZA PENZIJSKO/MIROVINSKO I INVALIDSKO
OSIGURANJE**

Septembar 2015. godine

Na osnovu člana 6. Zakona o organizaciji penzijskog/mirovinskog osiguranja Federacije Bosne i Hercegovine („Službene novine Federacije BiH“, broj: 32/01 i 18/05) i člana 6. Statuta Federalnog zavoda za penzijsko/mirovinsko i invalidsko osiguranje („Službene novine Federacije BiH“, broj: 38/03), Upravni odbor Federalnog zavoda za penzijsko/mirovinsko i invalidsko osiguranje, na ___ sjednici, održanoj 16.09.2015. godine u Mostaru, d o n o s i

O D L U K U

O IZVRŠAVANJU REBALANSA FINANSIJSKOG PLANA ZA 2015. GODINU FEDERALNOG ZAVODA ZA PENZIJSKO/MIROVINSKO I INVALIDSKO OSIGURANJE

I. Opće odredbe

Član 1.

Ovom odlukom se uređuje struktura prihoda i primitaka te rashoda i izdataka Rebalansa finansijskog plana Federalnog zavoda za penzijsko/mirovinsko i invalidsko osiguranje za 2015. godinu (u daljem tekstu: Rebalans finansijskog plana) i njegovo izvršavanje, prioriteta plaćanja, upravljanje finansijskom i nefinansijskom imovinom, ovlaštenja Nadzornog odbora Federalnog zavoda (u daljem tekstu: Nadzorni odbor), Upravnog odbora Federalnog zavoda (u daljem tekstu: Upravni odbor), direktora i zamjenika direktora Federalnog zavoda (u daljem tekstu: direktor i zamjenik direktora) u izvršavanju Rebalansa finansijskog plana, te druga pitanja u izvršavanju Rebalansa finansijskog plana.

II. Struktura prihoda i primitaka te rashoda i izdataka

Član 2.

Rebalans finansijskog plana se sastoji od općeg i posebnog dijela i plana kapitalnih ulaganja.

Opći dio Rebalansa finansijskog plana čini Račun prihoda i rashoda i Račun finansiranja.

Posebni dio Rebalansa finansijskog plana sastoji se od plana rashoda i izdataka raspoređenih u tekuće i kapitalne investicije za tekuću godinu.

U Računu prihoda i rashoda iskazuju se prihodi od doprinosa za penzijsko/mirovinsko i invalidsko osiguranje, tekuće potpore (grantovi) iz Budžeta FBiH i drugi prihodi i primici, te rashodi utvrđeni za finansiranje obaveza za isplatu penzija/mirovina i administrativne troškova i izdataka Federalnog zavoda i to na osnovu zakonskih i drugih propisa.

Član 3.

Račun prihoda Rebalansa finansijskog plana sastoji se od:

- prihoda po osnovu obaveznih doprinosa za mirovinsko/penzijsko i invalidsko osiguranje, koji su utvrđeni zakonom o doprinosima,
- tekućih potpora (grantova) iz Budžeta FBiH i
- ostali prihodi i primici

Član 4.

Račun rashoda Rebalansa finansijskog plana sastoji se od:

- rashoda po osnovu ostvarenih prava iz penzijskog/mirovinskog i invalidskog osiguranja,
- rashoda za plaće i ostala prava iz radnog odnosa uposlenika Federalnog zavoda,
- rashoda za materijal i usluge i
- ostalih rashoda i izdataka.

Visina rashoda se utvrđuje u skladu sa uređujućim propisima, ugovorenim i preuzetim obavezama kao i odlukama sudske i upravne vlasti.

III. Izvršavanje Rebalansa finansijskog plana

Član 5.

Sredstva iz Rebalansa finansijskog plana se mogu koristiti samo za namjene koje su određene Rebalansom finansijskog plana.

Član 6.

Kako bi se osiguralo blagovremeno izvršavanje obaveza Federalnog zavoda, obaveze se izvršavaju po rokovima za njihovo izvršavanje, određenim u skladu sa uređujućim propisima, ugovorenim i preuzetim obavezama kao i odlukama sudske i upravne vlasti.

Ukoliko u toku godine ne bude moguće izvršavati obaveze u skladu sa stavom 1. ovog člana, prvo se vrši isplata domaćih obaveza po osnovu ostvarenih prava iz mirovinskog/penzijskog i invalidskog osiguranja na području Bosne i Hercegovine, a nakon toga se vrši isplata administrativnih troškova i izdataka, te ostalih obaveza po osnovu prava iz mirovinskog/penzijskog i invalidskog osiguranja (ino penzije, obustave na penzije, doprinos za zdravstveno osiguranje penzionera).

Član 7.

Na prijedlog Direktora Federalnog zavoda, Upravni odbor uz saglasnost resornog ministarstva, može jednom kvartalno donijeti odluku o prestrukturiranju rashoda i izdataka u okviru ukupnog odobrenog iznosa, a najviše do 10% ukupno odobrenih rashoda i izdataka.

Prestrukturiranje rashoda može se vršiti na pozicijama 611000, 612000, 613000 i 820000, a na pozicijama 614000 prestrukturiranje rashoda može se vršiti samo u okviru ovih pozicija.

Član 8.

Sredstva na poziciji "Ukupni izdaci za ostvarena prava iz penzijskog/mirovinskog i invalidskog osiguranja" osiguravaju se korisnicima prava na osnovu Zakona o penzijskom/mirovinskom i invalidskom osiguranju („Službene novine Federacije BiH“, br. 29/98, 49/00, 32/01, 73/05, 59/06, 4/09 i 55/12), Zakona o prijevremenom povoljnijem penzionisanju branilaca odbrambeno oslobodilačkog rata („Službene novine Federacije BiH“, broj: 41/13), Zakona o službi u vojsci Federacije BiH (Službene novine Federacije BiH“, broj: 34/04), Zakona o službi u oružanim snagama Bosne i Hercegovine („Službeni glasnik BiH“, broj: 88/05, 53/07, 59/09, 74/10 i 42/12), Zakona o pravima boraca i članova njihovih porodica („Službene novine Federacije BiH“, broj: 33/04, 56/05, 70/07 i 9/10), Zakon o pravima demobilisanih boraca i članova njihovih porodica („Službene novine Federacije BiH“, broj: 61/06, 27/08, 32/08 i 09/10).

Član 9.

Sredstva na poziciji „Bruto plaće i naknade“ osiguravaju se uposlenicima Federalnog zavoda na osnovu Zakona o radu („Službene novine Federacije BiH“, broj: 43/99, 32/00, 29/03), Općeg kolektivnog ugovora za teritoriju Federacije BiH („Službene novine Federacije BiH“, broj: 54/05, 62/08), Pravilnika o radu Federalnog zavoda – prečišćeni tekst, broj: UOFZ-405/11, UOFZ-48/12, UOFZ-106/12, i pojedinačnog ugovora radu.

Član 10.

Sredstva sa pozicije "Naknade troškova zaposlenih" osiguravaju se uposlenicima Federalnog zavoda na osnovu Zakona o radu („Službene novine Federacije BiH“, broj: 43/99, 32/00, 29/03), Općeg kolektivnog ugovora za teritoriju Federacije BiH („Službene novine Federacije BiH“, broj: 54/05, 62/08), Pravilnika o radu Federalnog zavoda – prečišćeni tekst, broj: UOFZ-405/11, UOFZ-48/12, UOFZ-106/12, i pojedinačnog ugovora radu.

Član 11.

Visina dnevnica, naknada troškova za službena putovanja koji nastanu u vezi sa službenim putovanjima za sve uposlenike Federalnog zavoda određuje se na osnovu Zakona o radu („Službene novine Federacije BiH“, broj: 43/99, 32/00, 29/03), Općeg kolektivnog ugovora za teritoriju Federacije BiH („Službene novine Federacije BiH“, broj: 54/05, 62/08), Pravilnika o radu Federalnog zavoda – prečišćeni tekst, broj: UOFZ-405/11, UOFZ-48/12, UOFZ-106/12, i pojedinačnog ugovora radu.

Član 12.

Postupak nabavke roba, radova i usluga će se obavljati u skladu sa Zakonom o javnim nabavkama Bosne i Hercegovine („Službeni glasnik BiH“, br. 39/14).

Član 13.

Prikupljanje prihoda od doprinosa za penzijsko/mirovinsko i invalidsko osiguranje vrši se preko depozitnih računa Federalnog zavoda, a evidentiranje uplata se vrši preko jedinstvenog sistema naplate kojeg obavlja Porezne uprave FBiH.

Tekuće potpore (grantovi) se namjenski osiguravaju iz Budžeta FBiH preko Federalnog ministarstva rada i socijalne politike.

Član 14.

Direktor Federalnog zavoda je, pored upravljanja prihodima i primicima, te upravljanja rashodima i izdacima Federalnog zavoda, odgovoran za računovodstvo i unutrašnji nadzor transakcija zaduženja i duga.

Član 15.

Upravni odbor Federalnog zavoda ima odgovornost da održi fiskalni balans i da ne dopusti stvaranje obaveza prema korisnicima bilo novčanih ili u vidu vrijednosnih papira koje ne može pokriti iz prihoda.

Član 16.

Nadzorni odbor u izvršavanju svojih poslova obavlja uvid u godišnje izvještaje poslovanja i godišnji finansijski obračun Federalnog zavoda, analizira izvještaja o radu Federalnog zavoda te vodi računa o trošenju finansijskih sredstava.

Član 17.

Ova Odluka stupa na snagu narednog dana od dana objavljivanja u "Službenim novinama Federacije BiH", a primjenjivat će se na fiskalnu 2015. godinu.

BOSNA I HERCEGOVINA
Federacija Bosne i Hercegovine
FEDERALNI ZAVOD ZA MIROVINSKO
I INVALIDSKO OSIGURANJE
FEDERALNI ZAVOD ZA PENZIJSKO
I INVALIDSKO OSIGURANJE
UPRAVNI ODBOR

Broj: UOFZ-31-1/15
16.09.2015. godine
Mostar

